

Na osnovu člana 85. stav (1) Statuta općine Ilidža- Prečišćeni tekst ("Službene novine Kantona Sarajevo", broj 33/10), Općinsko vijeće Ilidža na 25. redovnoj sjednici održanoj dana 25. augusta 2011. godine, donijelo je

PRAVILNIK

O IZMJENI PRAVILNIKA O STIPENDIRANJU TALENTOVANIH UČENIKA I STUDENATA

Član 1.

U Pravilniku o stipendiranju talentovanih učenika i studenata ("Službene novine Kantona Sarajevo", broj 20/05) član 4. mijenja se i glasi:

"(1) Godišnjim planom stipendiranja učenika i studenata planiraju se ukupna budžetska sredstva potrebna za stipendiranje i to:

a) SREDNJE OBRAZOVANJE:

- 1) 15 učenika I razreda
- 2) 15 učenika II razreda
- 3) 15 učenika III razreda
- 4) 15 učenika IV razreda

b) VISOKO OBRAZOVANJE:

- 1) 15 studenata I godine studija
- 2) 15 studenata II godine studija
- 3) 15 studenata III godine studija
- 4) 15 studenata IV godine studija
- 5) 15 studenata V godine studija
- 6) 7 studenata VI godine studija

(2) U svih šest godina studija iz stava (1) tačka b) ovog člana stipendirat će se po 7 studenata tehničkih fakulteta, medicinskog fakulteta i srodnih fakulteta, filozofskog fakulteta - odsjek germanistike i anglistike, kao i po 8 studenata na prvih pet godina studija ostalih fakulteta.

(3) Ukoliko iz određenog razreda ili godine nema dovoljan broj kandidata koji ispunjavaju kriterije iz člana 2. ovog pravilnika, stipendija će se dodijeliti učeniku-studentu iz druge godine školovanja-studija, koji ispunjava kriterije propisane ovim pravilnikom."

Član 2.

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-2922/11-6
25. augusta 2011. godine
Ilidža

Predsjedavajuća
Dr. Smiljana Viteškić, s. r.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 55. Statuta Općine Ilidža ("Službene novine Kantona Sarajevo", broj 5/98), općinski načelnik, 23. augusta 2011. godine, verificovao je i donio

ODLUKU

O KOREKCIJI REGULACIONOG PLANA "KAMENJAČE" (STAMBENO-POSLOVNI OBJEKAT - PoP2)

Član 1.

Utvrđuje se Korekcija Regulacionog plana "Kamenjače" ("Službene novine Kantona Sarajevo", broj 14/04), u daljem tekstu: Korekcija Plana.

Član 2.

Korekcijom Plana utvrđena je građevinska parcela za izgradnju stambeno-poslovnog objekta (Po+P+2), sa pripadajućim parking prostorom kao i formiranje kolskog priključka na saobraćajnicu, na parcelama označenim kao k.č. 1441/3 i 1444/3 k.o. Donji Butmir, Općina Ilidža a prema sljedećim urbanističko-tehničkim uslovima:

- Regulaciona i građevinska linija objekta hale definisana je u grafičkim priložima "Mreža regulacionih i građevinskih linija", "Situacija - planirano stanje", Planu parcelacije i analitičkoj obradi građevinske parcele.
- Planirana maksimalna građevinska linija stambeno-poslovnog objekta iznosi 10,00 x 35,50 metara. Spratnost objekata je podrum+prizemlje+dva sprata, a ukupna visina objekta u odnosu na kotu saobraćajnice, ne smije preći max. visinu od 11,20 metara. Max. BGP objekta iznosi 1050 m².
- Stambeno-poslovni objekat mora ispoštovati sve tehničke standarde, odnosno sigurnosno-tehničke mjere koje su zakonom propisane, kao i sve zakonom propisane uslove zaštite prirodne sredine i okoliša.
- Korekcijom Regulacionog plana "Kamenjače" naznačen je i kolski pristup planiranom stambeno-poslovnom objektu, kao i postojećem stambenom objektu.
- Korekcijom Regulacionog plana "Kamenjače" naznačen je ugao preglednosti raskrsnice, unutar ovog ugla mogu se planirati travnate i cvjetne površine, a ne mogu se saditi visoke stablašice.

Član 3.

Korekcija Plana je rađena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Kamenjače", te da pribavi saglasnost nadležnih javnih komunalnih preduzeća.

Član 4.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "Kamenjače", - 1:1000; Korekcija Plana - "Mreža regulacionih i građevinskih linija" 1:250; Korekcija Plana - "Situacija-planirano stanje" 1:250; Korekcija Plana - "Plan parcelacije sa analitičkom obradom građevinskih parcela" 1:250.

Tekstualni i grafički prilozi Korekcije Plana, sastavni su dio Regulacionog plana "Kamenjače", ("Službene novine Kantona Sarajevo", broj 14/04).

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Ilidža, Zavoda za planiranje razvoja Kantona Sarajevo, i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Ilidža, a naknadno će se objaviti u "Službenim novinama Kantona Sarajevo".

Broj 02-23-778/11
23. augusta 2011. godine
Ilidža

V.D. Općinskog načelnika
Senaid Memić, s. r.